



清代起居注冊

國立故宮博物院珍藏



同治朝第三十三冊

國立故宮博物院珍藏



清代起居注冊

同治朝 第三十三冊

同治九年正月上……	一八一二七
同治九年正月下……	一八一八三
同治九年二月上……	一八二三九
同治九年二月下……	一八二九一
同治九年三月上……	一八三三一
同治九年三月下……	一八三七五
同治九年四月上……	一八四〇七
同治九年四月下……	一八四三九
同治九年五月上……	一八四七一
同治九年五月下……	一八五二一
同治九年六月上……	一八五八五
同治九年六月下……	一八六五三

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78

7436

72

NT \$ 86,000.00

清代起居注冊

同治朝第三十三冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一一、二一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

威同兩朝共壹佰冊
定價每部新台幣八六〇〇元

72 · 12 · 0650

· 89007190 ·

同治九年歲次庚午正月初一日丁卯

上詣

奉先殿行禮辰初

詣

慈甯門外率王公大臣蒙古王貝勒貝子公文武大
小官員等行慶賀禮禮成

駕還養心殿

詣綏履殿

母后皇太后前遞如意平安室

聖母皇太后前遞如意

御太和殿受王公大臣蒙古王貝勒貝子公額駙

台吉文武大小官員及朝鮮國使臣等朝賀

禮禮成

詣

大高玄殿拈香

壽皇殿行禮

駕進宮

御乾清宮升座

賜近支宗藩等宴未刻

奉

母后皇太后

聖母皇太后幸漱芳齋看戲進晚膳畢

駕還養心殿

是日

起居注官紹祺松桂孫毓汶李文田徐桐孫家

鼎

初二日戊辰

上詣綏履殿

母后皇太后前請安平安室

聖母皇太后前請安午刻

奉

母后皇太后

聖母皇太后章漱芳齋看戲侍午膳內閣奉

諭旨上年直隸霸州等州縣被水被旱被雹被風

業經降旨分別蠲緩撫恤小民諒可不致失所

惟念今春青黃不接之時民力未免拮据加恩
著將開州東明長垣安平武清廣平元城豐潤
等八州縣成災五六七八九分各村莊同治九
年春征新賦一切正雜糧租均著緩至同治九
年秋後啟征開州安平武清廣平元城豐潤等
六州縣歉收三四分各村莊同治九年春征新
賦正雜糧租等項均著緩至同治九年麥後啟

征霸州文安大城固安永清東安昌平清苑滿
城完縣雄縣束鹿安州河間猷縣阜城肅寧任
邱天津青縣靜海滄州南皮鹽山慶雲贊皇無
極刑台平鄉廣宗鉅鹿永年邯鄲成安肥鄉曲
周鷄澤磁州大名延慶蔚州趙州柏鄉隆平高
邑臨城甯晉深州饒陽等四十九州縣歉收三四
分各村莊及博野縣上年二麥歉收三分村莊

同深州連年積歉各村內除應納同治九年新
賦均照常征收暨將磁州連年積歉各村莊應
緩節年錢糧仍俟緩征限滿照案由近及遠按
年挨次接續分年帶辦外其被歉各村原緩至
同治九年麥後啟征之歉收四分村莊應征上
年及節年糧租同歉收三分村莊並深州連年
積歉村莊及博野縣上年歉收三分村莊各應

納節年糧租屯糧米穀糧豆灶課並河淤海防
經費儲備軍餉等項地租暨出借倉穀等項著
展緩至同治九年秋後啟征其餘各州縣如有
缺乏籽種口糧應行借糶倉穀之處仍著隨
時察看情形分別辦理至津軍廳應征葦漁課
納糧地畝內有坐落天津縣地方者如應行接
濟仍著照案歸入天津縣被歉村莊內一併查

辦以紓民力該督等即刊刻謄黃徧行曉諭務
使實惠均霑毋任吏胥舞弊用副朝廷始和溥
澤嘉惠畿疆至意該部即遵諭行

是日

起居注官蘇勒布孫家鼐

初三日己巳

上詣

壽皇殿行禮

駕進宮

詣綏履殿

母后皇太后前請安平安室
聖母皇太后前請安

是日

起居注官鄂芳楊秉璋

初四日庚午

上詣綏履殿

母后皇太后前請安平安室

聖母皇太后前請安內閣奉

諭旨上年山東各屬被水被旱被蟲被風被雹業

經降旨分別蠲緩小民諒可不致失所惟念今

春青黃不接之時民力未免拮据加恩著將濟

甯州黑土店等地方本店等一百十二村莊又
黑土店等地方趙家莊等三十四村莊臨邑縣
清肆等里于辛莊等一百五十一村莊長清縣
正保等保賈莊等一百十六村莊德州縣良等
二百四村莊東平州蔣家莊大王峪等八十二
村莊東阿縣陰柳等村東龍山等九十村莊平
陰縣城東等里馬家莊等八十二村莊惠民縣

方字約水波楊家莊等五村莊陽信縣政德等
鄉張家集等四十七村莊樂陵縣法字約鉄家
營等十四村莊濱州西路二十三保張莊等十
九村莊霑化縣峯台等里張鄉老莊等九十二村
莊甯陽縣泗高等四社共十七村莊嶧縣王下
等社劉家橋等一百十六村莊壽張縣黑虎廟
等保師家莊等一百四十六村莊荷澤縣甘露